

# Vuk'uzenzele



Produced by Government Communications (GCIS)

English/Setswana

| Motsheganong 2018 Kgatiso 1

## Land claim reaps rewards

**A KWAZULU-NATAL (KZN)** community will soon be enjoying the rewards of a successful land claim that they have turned into a private game reserve.



■ The Mayibuye Game Reserve has already created jobs and will ensure that the wildlife economy thrives.

**Hlengiwe Ngobese**  
**T**he first black-owned private game reserve is on the cards for KZN, thanks

to a R15 million government investment to the Mayibuye Community Trust.  
The word mayibuye, which means to return in isiZulu, is also the name of the 5

581-hectare Mayibuye Game Reserve, which is located between Pietermaritzburg and Durban.  
The land being returned to the community was taken via forced removals in 1963,

which saw 445 people lose their homes.  
Chairperson of the reserve, Welcome Maphanga said the community was relocated to

● **Cont. page 1**



**Science powers education**

Page 7



**Youth say YES to employment**

Page 8



**ALSO AVAILABLE ON:**



@VukuzenzeleNews  
f Vuk'uzenzele

Websites: [www.gcis.gov.za](http://www.gcis.gov.za)  
[www.vukuzenzele.gov.za](http://www.vukuzenzele.gov.za)  
E-mail: [vukuzenzele@gcis.gov.za](mailto:vukuzenzele@gcis.gov.za)  
Tel: (+27) 12 473 0353

**Free Copy**

*“There can be no greater gift than that of giving one’s time and energy to help others without expecting anything in return.”*

Nelson Mandela



# Bašwa ba re YES ka ga diphathatiro

**LETSHOLO LA** puso leo maitlhomo a lona e leng go neela milione o le mongwe wa bašwa maitemogelo a tiro ba ntse ba duelelwa.

**M**asego Temane o itumeletse go kokoanya maitemogelo a tiro, a a tsamaelanang le Tipoloma ya gagwe ya *Human Resource Management*, jaaka e le karolo ya Ditirelo tsa go Thapiwa ga Bašwa (YES).

YES, e mo malobeng e thankgolotsweng ke Moporesitente Cyril Ramaphosa, maitlhomo a yona ke go baakanyetsa bašwa ditiro le go ba tlamela ka bokgoni jwa setegeniki jo bo tlhokegang go ka lopana le ikonomi e e itshetlegileng ka diintaseteri.

Temane o tlhalosa gore morago ga go aloga ka 2016 o ne a retelelwa ke go dira dikopo tsa ditiro ka ntlha ya fa a ne a sena maitemogelo a a matshwanedi.

“Go ne go le bokete e le ruri go batlana le tiro ntle le maitemogelo. Ka lesego ke ne ka kopana le ba Lulaway Recruitment Agency ba ba dirisanang le ba YES

mme ba ne ba nnaya tšhono ya borutelatiro.”

YES ke letsholo le le kopanetsweng ke puso, mekgatlho ya badiri le dikgwebo go ka neela milione o le mongwe wa bašwa ba naga eno maitemogelo a tiro ba ntse ba duelelwa mo tsa maong ya dingwaga di ka feta di le tharo tse di tlang.

Dipatlisiso tse di tserweng ke bannaleseabe di supa gore ngwaga o le mongwe fela wa maitemogelo a tiro mo Lekwalong la go Batla Tiro, mmogo le lekwalo la bao ba nang le kgatlhegelo ya go go ema nokeng, di oketsa ditšhono tsa mošwa tsa go ka iponela tiro ka makgetlho a le tharo.

Temane o tlaleleditse ka gore o rata tiro ya gagwe e le ruri, bogolosegolo ka ntlha ya gore le ene o thusa bašwa ba bangwe go ka bona ditšhono tsa ditiro jaaka a dira jaaka mothapi wa nakwana.

Mo nakong ya fa go ne go

thankgololwa YES Moporesitente Ramaphosa o ne a bontshiwa bašwa ba ka nna 100 ba ba tla thapiwang mo lenaaneng leno ke ABSA, Investec, Netcare, Sasol le Unilever.

“Re bona letsholo leno jaaka pilara e le nngwe ya matsapa a matona a a golaganeng le naga a go tlholla bašwa ditšhono. Pilara e nngwe e e botlhokwa ke go tlhagisa bokgoni jwa bašwa,” ga rialo Moporesitente Ramaphosa.

O ikuetse mo dikgwebopotlaneng go tshameka karolo ya tsona ka ntlha ya fa di na le ditšhono tsa diphathatiro di le dintsi mme o ne a bua gape gore dikgwebotse dikgolo ga di kitla di kgona go ka thapa bašwa ba ba lekaneng di le nosi.

Go ya ka Mokaedikhuduthamagamogolo (CEO) wa YES Tashmia Ismail-Saville, mo baaging ba le 15.5 milione ba Aforika Borwa ba ba magareng ga di-

ngwaga di le 18 le 34, ba le 5.8 milione ba bone ga ba dire.

“YES e ikaelela go naya palo eo ya bašwa ba rona, bao bontsi jwa bona bo tlhaelediwa matlho ke motlolo wa ga jaana wa go thapa wa mo nageng, tšhono e e botlhokwa ya ntlha ya go ka iponela maitemogelo a a boleng a tiro moo ba tla bong ba duelelwa,” ga rialo Ismail-Saville.

Jaaka morokotso wa tlaleletso mo dikgwebopotlaneng, tseo di thapang bašwa ba bathobatshe ba ba magareng ga dingwaga di le 18 le di le 29, di tla rokotsiwa ka go Morokotso wa Phokoletsolekgetho la go Thapa o o ka nnang bokaneka ka R1 000 ka kgwedi.

Bašwa ba YES ba tshwanetse go bo ba le:

- magareng ga dingwaga di le 18 le 34.
- mo sebakeng sa dikgwedi di feta di le thataro ba sa dire.

- bana ba mmala wa sebilo (e le bathobatshe, Makhalate kgotsa maIntia).

Fa setlamo se batla go ka iponela Morokotso wa Phokoletsolekgetho la go Thapa, bašwa ba ba se direlang ba tshwanetse ba tshwanetse go nna le dingwaga tse di mo magareng ga di le 18 le di le 29.

## Bašwa ba tla duelelwa mogolo wa bokae?

Go solofelwa fa mogolo o tla latela mogolo o o tlhomilweng o o kwa tlase wa bosetšhaba wa R3 500 ka kgwedi, o o akaretsang katiso e e lopameng le tiro e ba e dirang mmogo le tshegetso nngwe le nngwe e e tlhokagGo bona Go bona tshedimotsetso ka botlalo etela: [www.yes4youth.co.za](http://www.yes4youth.co.za) ka R55 000. **V**

Go bona tshedimotsetso ka botlalo etela: [www.yes4youth.co.za](http://www.yes4youth.co.za).

# Go rerwa puo e ntšhwa mo nageng ya Aforika Borwa

**DIKGOSI** di na le seabe se se botlhokwa thata mo go tlhomeng setšhaba se se senang lehuma, botlhokatiro le tlhokotekatekano.

## Neo Semono

**G**o na le kgonagalo ya gore Khelobedu e ka nna puo ya bo 12 ya maAforika Borwa go tsamaisana le go busetsa seriti sa dikgosi.

Moporesitente Cyril Ramaphosa o tsibogetse seno mo nakong ya moletlo wa go tlhomiwa mo bogosing wa Kgosigadi ya Balobedu kwa lebaleng la metshameko la Mokwakwaila kwa Balobedu, Ga-Modjadji kwa Limpopo.

Khelobedu ke puo e e buiwang ke morafe wa Balobedu oo Kgosigadi ya bona ya Pula ya Balobedu e e tlhophilweng e ga jaanong e santseng e na le dingwaga di le 13, Masalanabo Modjadji, e tla ba busang fa a sena go tshwara dingwaga di le 18,

morago ga gore a tlhomiwa jaaka Queen Modjadji VII.

O tla aroga go latela meetlo le setso sa Balobedu.

“Enokekgato e botlhokwa ya hisetori eo Mama Winnie Madikizela-Mandela a neng a tla ipela ka yona. Bogosigadi jono ke jone jwa ntlha e bile ke jone fela mo nageng le mo kontinenteng jo ga jaanong bo leng teng,” ga rialo Moporesitente Ramaphosa.

Moporesitente Ramaphosa o gateletse maikemisetso a puso a go tsosolosa tlotlo le seriti sa bogosi.

Bogosigadijwa Balobedubotseetswe tlhogong semmuso ka Mopitlwe 2016 morago ga gore Khomišene e e ka ga Dikgogakgogano le Ditopotuelo tsa Bogosi (CTLDC) e dire dipatlisiso ka ga seemo sa morafe

wa Balobedu, go ya ka ditopotuelo tse di tlhathletsweng kwa ga CTLDC.

“Puso e ikaeletse go dirisa Kgaolo ya bo 12 ya Molaotheo, bogolosegolo go tsosolosa seriti sa setheo sa bogosi mo dinakong tsa ga jaanong tsa temokerasi ya Molaotheo,” ga rialo Moporesitente Ramaphosa.

O rile go tseela tlhogoing Bogosigadi jono mo nageng ya rona ya Aforika Borwa go supa boineelo jwa rona mo maitsholong le mo methong e e ka ga tekatekano ya bong, fa mo letlhakoreng le lengwe re ntse re etse tlhoko boeteledipele joo basadi ba bo diragatsang mo dikarolong tse tsothe tsa botshelo.

“Dikgosi di na le seabe se se botlhokwa thata mo go tlhomeng setšhaba se se

senang lehuma, botlhokatiro le tlhokotekatekano. Dikgosi tsa rona di tshwanetse go di gapa kwa pele mo kgaratlhong ya go tsosolosa ditshwanelo le seriti sa batho ba borona.”

O gateletse gape le seabe-segolo se se tshamekiwang ke magosi a rona mo go busetseng mafatshe kwa beng ba bona ba ba matshwanedi.

“Ba tshwanetse go netefatsa gore naga e busediwa bao ba dirang mo go yona le gore bao naga e busediwang mo go bona ba na le ditlogo tsa go ka dira mo go yona,” ga rialo Moporesitente Ramaphosa.

Batho ba ka nna dimilione di le 25 ba ba nnang kwa metselelegaeng ba tlhaloganya sentle boeteledipele jwa magosi. **V**

## A o ne o itse?

- Morafe wa Balobedu o amegile ka 1972 fa Kgosigadi ya Pula ya motsing oo Makoma Modjadji a ne a tseelwa dithata tsa gagwe mme maemo a gagwe a nyenyefadiwa go nna kgosanagadi fela ya motse.
- Metse le dikgosana tsa metse eo tse di neng di le ka fa tlase ga bogosi jwa gagwe di ne tsa wela kwa mafelong a motsi wa tlhaolele a Lebowa le Gazankulu mme ditlamorago tsa seno di ne tsa tlhakatlhakanya lobebe lwa setso le tolamo ya bogosigadi e e neng e le teng eo tswang kwa moragorago kwa lowe ya bogologolotala jwa dingwaga di feta 400.